

TAU BASKONIA. Moskuko taldeak bere jokoa ezarri zuen partidako minutu gehienetan

Kopa buruan, Tauk ezin izan du CSKAren erritmo bizia gainditu

Azken laurdenean irabazteko aukera izan arren, gasteiztarrek ez zuten asmatu

Jon Rejado | **GASTEIZ**

Kopako ajeak Tau Baskoniaren jokoa guztiz baldintzatu zuen, Gasteizko taldeak partidari aurre egin zion unean kontrako alde handia baitzuen jada. Lehen minutuetan joko eskasa egin zuten Ivanovicenek, erasoan zein defentsan, eta horri esker CSKAk lehen unetik hartu zuen burua markagailuan, eta bukaera arte bertan mantendu. Hortaz, atzo galdu ondoren Moskuko taldearekin berdindu du sailkapenaren buruan, eta Maccabi irabazten badu gaur aipatu bien parean jarriko da.

Ivanovicen nahi ez zuen arren, Kopako partidek eragin zuzena izan zuten jokalarientzako CSKAren kontrako partidaren hasierako minutuetan. Tentsiorik gabe eta Errusiako taldea baino ahulago agertu zen partida hasieran, eta Tikhonenkoren jokalariek gustuko dute saskibaloia egiteko aukera izan zuten. Kontraerasoen bidez erraztasun izugarriarekin saskiratu zuten, baloia saskipean eskuratzen zuten unean bi jokalarik kontraerasoan ateratzen baitziren. Tau Baskoniak ez zuen egoera hori gelditzen asmatu, eta CSKAk aldeak ireki zituen erraztasunez.

Gasteizko taldeak bi laurdenean eginiko defentsa txarra argitzeko Tikhonenkoren taldeak saskiratutako kopurua ikustea baino ez dago. Baina defentsan nahiko makal jokatzeari gain, erasoan bere erritmoa

TAU BASKONIA	73
CSKA MOSKU	87

Tau Baskonia: Chris Corchiani (5), Andres Nocioni (2), Hugo Sconochini (6), Fabricio Oberto (5), Dejan Tomasevic (12)-hasierako bostekoa-, Elmer Bennett (14), Laurent Foirest (13), Luis Scola (16).


CSKA: Curtis McCants (16), Gordan Giricek (25), Zakhar Pachoutine (7), Mirsad Turckan (13), Ruben Wolkowsky (11)-hasierako bostekoa-, Dimitri Domani (15), Andrei Fetisov, Alexandre Petrenko, .

Partzialak: 14-20, 39-47 (atsedenaldian), 58-64, 73-87.

Arbitroak: Koukoulekidis, Pukl, Janac. Kanporatuak: Scola eta McCants.

ezartzeko indarririk gabe jardun zuen Gasteizko taldeak, eta Moskuko taldeak ezarritako jokoa jarraitu zion. Saskipeko gizonak ez zituzten bilatu, bertan nasgusitasun nabaria izan arren; horren ordez gehiegi landu gabeko kanpoko jaurtiketak bilatu zituen, bere ohiko jokoa uko eginda. Hortaz, CSKAk berak nahi zuen jokoa egiten zuen bitartean, Dusko Ivanovicenak ahal zuten moduan saiatzen ziren aldeak mantentzen.

Bigarren erdian, azken partidetan egin bezala, Gasteizko taldeak gogotsu bilatu zuen garaipena, eta hiruko lerrotik zein saskipetik behin eta berriz saskiratuta azken laurdenera partida irabazteko aukera handiare-



DAVID AGUILAR / EFE

CSKA Mosku taldeko Giricek eta Tauko Oberto, atzoko partidaren.

kin heldu zen Gasteizko taldeak, lau puntuko alde baio ez baitzegoen markagailuan (68-72). Une horietan, ordea, aukeraketa txarrak egin zituen Tauk jaurtitzeko orduan, eta partidaren ez zeuden jokalariek gehiegizko garrantzia bereganatu nahi izan zuten, Nocionik kasu. CSKAk,

ordea, ez zuen barkatu, eta 2-15 partziala lortu zuten.

Hortaz, 68-72 markagailutik, 70-87 markagailura aldatu zen. Une horietan ere Gasteizko taldeak ez zuen puntuen aldean pentsatzeko astirik izan, eta bere horretan mantendu zen, Kopako ajea ezin ahaztuz.

XAKEA

Korneev errusiarrak irabazi du Durangoko Nazioartekoa

Josu Tornay | **DONOSTIA**

Joan den domekan 88 xakelari bildu ziren Durangon ohiko nazioarteko irekia jokatzeko. Faborito nagusia Oleg Korneev (2568) maisu handi errusiarra zen, eta 6 garaipen eta bi berdinketarekin (7 puntu) pronostikoa bete zuen. Horren atzean Fran Miguel (2306) aretxabale-tarra eta Mario Gomez (2498) santurtziarra 6,5 punturekin geratu ziren. Desenpate sistemak Migueli eman zion bigarren postua, eta horrela beste emaitza bikain bat lortu zuen oraingo Gipuzkoako txapeldunordeak. 6 punturekin Milev eta Janev bulgariarrak eta Rodrigo Saralde gazte bizkaitarra geratu ziren.

Donostiako nazioarteko irekia

Zapatuan, martxoak 23, Donostiako nazioarteko ireki ospetsua hasiko da. Iazko irekian berdintasun handia egon zen, eta azkenean Strikovic jugoslaviarrak irabazi zuen. Aurtun berriro zaila da faborito bat izatea, baina Oleg Korneev errusiarrak aukera gehien duena omen da.

Jaan Eslon nazioarteko maisua gogoratzeko, martxoaren 30ean partida bizkorreko torneo bat antolatuko da. Jaan suediarra zen, baina Euskal Herrian lagun asko zuen, eta Donostiako torneoak jokatzeari izugarri gustatzen zitzaion. Duela urte eta erdi bihotzekoak jota hil zen, eta prestatutako torneoarekin antolatzaileek hari urtero omenaldi bat egitea gura dute.

ZUBEROTARREKIN BAT

Helburua: 1.000.000 €

AUZOLANEAN

deitu orain:

902 33 88 66

05 59 46 13 89

Xiberoa
garatzen!

egitasmoa

Euskal Garapen
eta Kohesio
Fondoa

www.udalbiltza.net
UDALBILTZA
PARTZUEKOGA